


紅拂

内閣文庫		
番號	漢	17895
冊數	4	(2)
函號	附	4 12





第五齣

越府宵遊

末扮院子上云。生年不滿百。常懷千歲憂。晝短苦夜長。何不秉燭遊。自家不是別人。却是楊越公府中一個院子的。便是。若論我老爺。果然是整頓乾坤手。扶持日月功。腰間三尺劍。掌上萬人雄。怎見得。你看他志平吳楚。功蓋華夷。揮戈處。赤日車迴。煉石來。青天缺補。說他將令的嚴明。使三軍股慄。看他摧鋒的

氣槩。是一陣雷霆。擊顧世興於晉陵。破朱莫
問於楊子。因風縱火。智慧喪膽。逋逃泛海。薄
營國慶。棄州奔走。既有倂大功勞。可知許多
受用。偏裨有來護兒諸雄。真道朝驅猛將。書
記有封德彝等輩。果然夜接詞人。花封繡戶。
貯嬌姿。不數他鄴都銅雀。劍擁玉人充舞隊。
多半是帝胄金枝。吹銀笙。鼓瑤瑟。分明世外
釣天開錦帳。啟瑤筵。疑是壺中福地。盤龍玉

跳脫。沒禁約的梳妝。寶馬鐵連錢。有色認的
打扮。明霜畫戟。候門歿士千員。嘶夜紫騮。夾
道垂楊幾樹。我那老爺定是天上明明上將
星。遣來人世布威靈。麒麟閣上應圖畫。烏鼠
山前好勒銘。早間蒙老爺分付。鋪設筵席賞
月。天色漸晚。收拾已完。不免去稟覆老爺則
個呀。道猶未了。老爺早到。

齊天樂

上外

掃清江漢功無上。雙手拍開霄壤。斧

如今富貴人
不覺者太多

鉞威權。珥貂尊貴。番覺此身勞攘。自知重望。好
坐撫人民。臥守封疆。警罷銅魚。光分玉兔。且倘
祥。

金魚玉帶。應三台。將相還須蓋世才。我本無
心求富貴。誰知富貴逼人來。楊素身為名將。
職任元戎。討無不平。戰無不克。我常臨戰。令
一二百人赴敵。陷陣不能陷。而還者悉斬之。
又令二三百人復進。還如向法。士知進。生退。

道其實

歿。所向無前。及至論功。雖微必錄。故士雖畏
我。亦願從我。人知我成功之易。不知我皆以
賞罰中得士力也。今天子幸江都。加我司空
之職。卽命留守西京。日來兵政肅清。衙門無
事。早上分付院子。設宴花園中看月。院子那
有。末云。院子嗑頭。外云。筵席可曾完備否。末
云。稟老爺筵席完備多時了。請老爺賞月。外
云。既如此。可喚女樂每出來承應。末云。女樂

每走動。

生查子

旦貼齊上

睡起洗殘妝。粉褪香腮上。報道欲

持觴。一派笙歌響。

[旦貼拜科]外取酒過來。

香柳娘

外

向明月舉觴。向明月舉觴。璇臺虛敞。

青天碧海開秋爽。

[外指旦科]

你把那新打的曲

兒唱一個。[旦]試新聲奏商。試新聲奏商。雜管

更調簧珠。喉轉嘹唳。

合

看澄波夜光。看澄波夜

獨照華堂四
字大有關係

光獨照華堂。偏宜清賞。[旦進酒科]

前腔

外

任嬌娥進觴。任嬌娥進觴。天香飄漾。桂

枝疑在青雲上。

[指貼科]

你試舞一回。

[貼舞唱]舞

纖腰楚粧。舞纖腰楚粧。踏月展霓裳。分輝動羅

幌。

前合

[旦貼云]風露寒冷。老爺請自保重。

前腔

外

任吹風墜霜。任吹風墜霜。我為將十年

呵。身披草莽。寒關夜渡。渾無恙。況秋宵正長。

瓊瓖我是何
堪與共語

況秋宵正長。暫醉白雲鄉。須教洗塵況。

前合

外作醉科

前腔

貼背唱

見明月暗傷。見明月暗傷。舊遊虛爽。

誰懸明鏡青天上。旦你不須斷腸。你不須斷腸。

圓缺謾平章。終須脫塵網。**外醉旦貼扶唱**

前合

外云我已醉了。收拾進去罷。

外歌殘舞罷已三更。可愛秋空氣轉清。

旦須信露從今夜白。貼偏憐月是故鄉明。

第六齣

英豪羈旅

夜遊湖

上生

匹馬長途愁日暮。時未遇。自歎馳驅。

趙壁山中。隋珠海底。求售可憐無主。

一鴈西飛烟樹秋。關河搖落使人愁。無人寄

語。司空道。莫遣明珠惜暗投。自家涉遠到此。

欲投越公。只得賃間房兒住下。明日清晨往

候。却不是好。且喜正遇個客店。不免問聲店

主人那里。**丑上**來了。相留燕趙齊梁客。借寓

東西南北人。是誰。生云小生要賃房的。丑要
幾間。生要兩間。須是僻靜的纔好。丑敢是官
人要看書麼。生不是。要候見越公。丑若官人
往月宮裏去。千萬帶了我去。作成我看看杪
羅樹。與那搗藥的鬼子。生不是。是老司空。丑
若尋老師公。須在庵院寺觀裏去。如何到我
民家來。生我自要見楊司空老爺。你也不消
絮煩閑說。只與我房兒便了。丑此處來。鍋灶

也有。可要做飯麼。生云前面店中喫了。你自
方便。丑下生云客館蕭條。行踪未定。教我如
何睡得着。

集賢賓寒燈欹枕聽夜雨。堪憐彈鋏無魚。懷刺
侯門。誰是主。抱竒才未遇明時。沉吟自許。須有
日風雲際會。雖逆旅。論囊底。不愁資斧。
夜已深了。不免去強睡一回。

江鄉回首隔風塵。

夜雨柴門思黯然。

正是鴈飛不到處。

果然人被利名牽。

第七齣

張娘心許

似娘兒

外上數載握兵權。居重地。士戢民安。**旦**拂

劍科

爲公拂拭芙蓉劍。貼看氣奪霜威。光欺

星燦。曾斬樓蘭。

外云

戰袍猶帶血痕腥。十載高懸海內名。前

隊貔貅衝曉色。後車鶯燕雜春聲。我自在此
鎮守。門客甚多。近來真覺懶于應接。去者頗
衆。雖然如此。倘有豪傑。我自識他。正是跛足

得用

樓蘭西域國
名後更爲割
善

曲末三句極
壯嫌不肯樂
昌語氣

元堪笑。重瞳我自明。昨日送門簿來。有個秀才李靖求見。我曾聞此人有文武全材。今日若再來。當接見他一番。看他談論如何。分付值門將官。今日秀才若來。可與通報。

菊花新

上生

朱門先達笑彈冠。丞相無私斷掃門。

作客又經年。賦無衣有誰憐念。

小生昨日候見司空。門上將官辭以飲宴。不得接見。今日只得又來。不知得相見否。只怕

詞嚴義正

又是飲宴。正是但知北海客。不聞北溟魚。早到司空府門首了。將官勞一通報。**丑**扮將官報進見生長揖云。司空拜揖。**外**作坐受科。**生**天下方亂。英雄競起。公為帝室重臣。須以收羅豪傑為心。不宜倨見賓客。**外**作起謝科。老夫有罪了。請問先生。今天下紛紛。定而復亂。先生遠來。何以教我。**生**司空請坐。待小生拜

稟**外**先生請坐講。**旦**目生科

啄木兒生蒙尊命敢浪言。論四海干戈未息肩。
只爲着土木疲民。況邊庭黷武連年。繁刑重斂。
誰不怨。山林嘯聚爭思亂。爲今之計除是罷役。
休兵漸撫安。

前腔外逢佳士得讜言。我當初佐文皇定天下。
呵河北江南已奠安。自當年駕幸江都。致中原
萬姓騷然。我此身重荷朝廷眷。扶危定亂真
吾願。還要細與賢良計萬全。

生小生告退。再當候見。外倘先生有暇時。常
來一講論。老夫不得遠送了。生外貼下旦吊
場云。院子。老爺着你問李秀才寓所何處。內
應云。在西明巷口第一家便是。旦知道了。待
我自復老爺去。

簇玉林看他言慷慨。貌偉然。信翩翩美少年。私
心願與諧姻眷。只是無媒怎得通繾綣。我有計
在此了。且俄延。須教月下成就這良緣。

慧心女子當
由慧業女人
化身

此事本當與陳美人說知。恐有漏泄。不當穩便。且到其間。再作理會。

乍見風前連理枝。須教燈下有佳期。
一腔心事無人識。惟有清風明月知。

第八齣 李郎神馳

步步嬌上生朝來獻策侯門去。見座右嬌娥侍。風流絕代姿。却訝秋波幾番偷覷。眇眇獨愁予。司空見慣渾閑事。

方纔候見司空。見一侍女手持紅拂。頗有顧眄之意。未知何故。

江兒水 天上碧桃樹。日邊紅杏枝。笑水中看月。做風中絮。無端一笑成何濟。料日成心許也非。

變成語渾脫
未句嫌司空
見慣不以爲
意也語冷而
真

風流會心
不失英雄本
色

容○易○把○意○馬○心○猿○拴○住○打○疊○情○踪○收○拾○起○迷○魂○
春○思○丙作鵲噪科

川○撥○棹○鵲○聲○沸○更○燈○花○何○太○喜○看○簾○鈎○雙○掛○珠○
絲○看○簾○鈎○雙○掛○珠○絲○算○窮○途○有○何○信○息○且○向○孤○
幃○枕○漫○支○漸○聞○雞○起○舞○時○

尾○漁○郎○誤○入○仙○源○去○回○首○桃○花○路○已○迷○莫○向○風○
前○有○所○思○

本謁侯門莫托名。

紅顏顧盼笑顏生。

東邊日出西邊雨。

道是無情却有情。

紅拂記卷二

第九齣

太原王氣

喜遷鶯

外扮虬髯客
淨扮徐洪客

外

殘霞歛岫。正舉目江山。

滿天星斗。

淨

日出分行。晚歸相守。事機各在心

頭。

合

風斷數聲殘漏。雁排一帶深秋。登高處。占

星望氣。半晌凝眸。

外云

茫茫宇宙。落落堪輿。

淨云

共探驪龍。誰

得其珠。

外云

自家姓張。名仲堅。生長東魯。以

自是有心
人口吻

殺人避仇。卜居西京。我素有大志。見天下將
亂。嘗廣蓄貲財。規造繻券。或龍戰二三十載。
意欲建少功業。又喜得我道兄徐洪客。海上
遠來相從。似石投水。言無不合。眼見得這事
有幾分也。**淨云**張兄。夜色漸清。你我正好望
氣了。且喜此間有個高岡。與你同上一望。却
不是好。**外云**道兄同請。**淨云**張兄。你看那妖
星犯牛女。紫微垣失光。天下事可知矣。**同望**

科呀。好怪好怪。你看參井之分。紫氣騰耀。太
原乃參井分野。恐其中必有異人。張兄見否。

外道兄。我豈不見來。

瑣南枝**外**看那重雲護。瑞氣浮。分明五城十二
樓。咳。道兄。我生事在吳鉤。機關已成就。倘有勅
敵。起做項與劉。這紛爭怕粘手。

前腔**淨**徘徊望。展轉愁。眼前是非方未休。張兄。
你看江都分野。已見隋家不濟事了。他王氣

壯麗
生氣勃

黯然收。縱橫未分割。倘真人起。正可憂。與他做頭敵。恐掣肘。

張兄。這也不難。我只待天明。先往太原去。你可回家備些口糧。隨後便來。約定在汾陽橋相候。到得那里。少住十日半月。好歹便知端的。外如此甚好。道兄請先行。我隨後便來也。淨休論王相與孤虛。世亂誰當任掃除。外渾濁不分鱣共鯉。水清方見兩般魚。

第十齣 伎女私奔

旦紫衣紗帽上。自憐聰慧早知音。瞥見英豪意已深。俠氣自能通劍術。春情非是動琴心。奴家自從見那秀才之後。不覺神魂飛動。我想起來。塵埋在此。分明是燕山劍老。滄海珠沉。怎得個出頭日子。若得絲蘿附喬木。日後夫榮妻貴。也不枉了我這雙識英雄的俊眼兒。如今夜闌人靜。打扮做打差官負的粧束。

藝劫曲尚
女俠

私奔他去。早已被我賺出這門兒來也呵。

北二犯江兒水。重門朱戶。恰離了重門朱戶。深
閨空自鎖。正瓊樓罷舞。綺席停歌。改新粧尋鴛
侶。西日不揮戈。三星又啟途。鸞馭偷過。鵲駕臨
河。握兵符。怕誰行來問取。魏姬竊符。分明是魏
姬竊符。雞鳴潛度。討得個雞鳴潛度。聽更籌戍
樓中漏下玉壺。

衆扮更夫上。擋路科。此是何人。這般時候往

那里去。

前腔。旦。公門將佐。我是個公門將佐。休猜做忘
國虜。正懷揣着令旨。手執銅符。戴烏紗衣掛紫。

不惟有眼力
才識胆智更
自超越

衆。如今老爺睡也未。旦。寄語主更夫。何須竟
夜呼。老爺呵。自有絃上醍醐。燈下瓊瑜。這時節
向陽臺行雲雨。衆。如此說。大人自去。我們就睡
也不妨了。正是各人自掃門前雪。莫管他家
瓦上霜。衆下。旦。你看這一夥人。被我兩三句

此際未能發
揮驚喜之狀
商量逃竄之
術而徑以旁
聲詭謂張智
之未也

話都哄過了。女中丈夫。不枉了女中丈夫。人
中龍虎。正好配人中龍虎。說話間不覺的喜孜孜。
來到草廬。

乘着這月色。又到了西明巷了。此是第一家。
不免敲門則個。作敲門科開門開門。

懶畫眉生夜深誰個扣柴扉。只得顛倒衣裳試
觀渠開門看科呀。元來是紫衣年少俊龐兒。戴
星何事匆匆至。莫不是月下初回擲果車。

前腔旦郎君何事太驚疑。**脫衣帽科**那里是紗
帽籠頭着紫衣。生云呀。元來是個女子。旦出紅

拂科我本是華堂執拂女孩兒。生云你緣何
到此。旦憐君狀貌多奇異。願托終身效唱隨。

前腔生驟然驚見喜難持。百歲良緣頃刻時。疾
門如海障重圍。君家閨閣非容易。怎出得羊腸。
免教駟馬追。

前腔旦楊公自是莽男兒。怎會紅粉叢中拔異。

阮云從容定計何以連夜
潛逃并甚好甚

姿。奴今逸出未忙追。我與你呵。正好從容定計
他州去。一笑風前別故知。

〔生〕我有個故人劉文靖。乃是智謀之士。見今
在太原。我明日與你扮做村中進香的夫婦。
同往太原投他。再作區處。正是

籠裡籠前整羽衣。誰知相見即相隨。

今宵久旱逢甘雨。來日他鄉遇故知。

第十一齣

隱賢依附

杏花天

上末

山深木落猿啼。走天涯雲隨馬飛。識

不破終童棄繻。擲不開殷郎枯樹。

雖役定遠筆。未坐將軍樹。早知行路難。悔不

理章句。我劉文靜千山萬水。得到太原。要投

李公子。此間正是他私宅門首。不免喚聲有

人。〔丑應上〕是誰。〔末〕是要見李公子的。〔丑〕待

我通報。

吳主之概
魚人

生查子上小生乘醉斬蛇回。劍吐虹霓氣。何日掃秦灰。夢想風雲會。

丑稟科小生道有請。**相見拜科**末久慕英名。每勞夢寐。喜瞻奇表。誠慰下懷。**小生**情篤神交。禮隆傾蓋。義合倒屣。罪切據牀。先生請坐。先生上姓何來。**末**小生劉文靜從江南來。特謁公子。**小生**久慕大名。幸得遠顧。必有教我。**末**文靜知公子將有事于天下。待攀龍附鳳。

垂名竹帛耳。**小生**顧**丑**回避罷。先生渡江以來。延攬必多。如先生者。果有幾人。**末**小生不足數。渡江以來。只得一人。名曰李靖。真奇才也。**小生**他人品何如。願聞其槩。

剔銀燈末他命世姿非凡。志氣王佐畧。出人頭地。扁舟江上同時濟。兩情歡如魚得水。**小生**他如今往那里去了。**合**如今尚無枝可植。往西京未知他怎的。

平淡

前腔生小我求賢嘗勞夢寐。況冰鑑如君無比。果然覓得英雄輩。共圖王掃清何慮。前合

小生先生不須回下處去了。就在此處罷。

未識陽關路。新從定遠侯。

生小何須負鼎俎。氣味已相投。

問津片晌便為先客鑒賞不在紅拂下

第十二齣

同調相憐

一江風生旦路迢迢。霜徑迷荒草。險似王陽道。

近前村曙色將開。又聽金雞報。盤山渡板橋。盤

山渡板橋。宵征不憚勞。**旦云**官人。我和你行了

這一程。恰好前面是店家。正好梳洗了。穿林

早。是人家到。

生此是靈右地方了。店主人有麼。**丑應上門**

面多蕭洒。鋪陳色色新。廣招天下客。安歇四

極得宵征之
狀且極掉極
緊

自憐自語尤
物移入

方人。是誰。生我們夫妻是還香愿的。來此買
早飯喫。可先與我些湯水。丑有有。請坐着。丑

下生你自梳頭。待我去喂馬來。生下

前腔旦作梳頭科。翠雲撩一半塵埋了。膏沐香
猶繞。歛脩蛾不倩郎描。不貼花鈿小。不將脂粉
調。不將脂粉調。村粧別樣嬌。還怕光輝易惹人
情料。

哭相思外扮虬髯上。走馬鬪雞拋風好。衝風策

蹇咸陽道。

店主人與我看了驢兒。待我歇息一回。起來

喫飯。內應科外作看旦科。

一江風。那多嬌。窄地香雲繞。一室容光耀。生上

怒科。旦作搖手科。向前見外云官人萬福。官

人上姓。外我姓張。旦妾也。姓張。合是兄妹。外

背科。意優閒。禮度從容。似得閨中教。何緣到

草茅。何緣到草茅。外云你丈夫在何處。旦此間

婦人之智遠
超婦人之仁
巧思

侯際

以下數段無
一語酸氣曲
六整鍊

就是。外試語良人道。旦招生相見科。外足下
上姓。生小生姓李名靖。外原來是李藥師。生
足下上姓。外我姓張名仲堅。生莫非是虬髯
公否。外正是。合相逢何必曾相好。
外煮的是甚麼肉。生是羊肉。外我已飢了。可
取些酒與胡餅來喫。

梁州序

生取酒送科。衝風度夜。披星乘曉。取酒

烹羔自勞。何期相遇。片言契結。同袍。外指旦云

不瞞便是豪
傑

李郎貧士。何以致此異人。生我自向驪龍領
下。猛虎穴中。透得個機關巧。外看他也不似個
村庄里人。生他在侯門。花月隊鬪。丰標金屋
曾經貯阿嬌。外問旦科。你緣何隨了李郎。旦相
盼處。憐同調。鵲橋偷度。諧歡好。今避地肯辭勞。
外你既不相瞞。可對我說。果是誰家女子。旦
妾本楊越公家侍兒。因見李郎眉宇不凡。願
托終身。故不以自薦為醜。乘夜私奔。生小生

從江南到此。不想遇他。也是有緣千里能相會也。

前腔外指生科看你胸襟洒落。指旦科儀容窈窕。自合雙飛雙宿。姻緣分定。相逢千里非遙。多感你好逑君子。擇婿佳人。一見相傾倒。我看你每呵。好似秦樓乘鳳去。弄瑠簫。那銅雀焉能鎖二喬。合相盼處。憐同調。鵲橋偷度。偕歡好。今避地肯辭勞。

外我也有些下酒之物。取出來下酒如何。**生**甚好甚好。**外**取出頭并心肝科。**旦**此是何人。張兄爲何斬取其首。

前腔外這是負心人。行短才喬。轉眼處把人嘲誚。更爛翻寸舌。易起波濤。果是腹中懷劍。笑裏藏刀。對面情難料。十年今始得肯相饒。斷首剗心絕。獍梟。合相邂逅。憐同調。聊當下酒供談笑。君莫惜醉村醪。

使事俱切實

前腔生羨君家氣槩雄豪。少年場如君絕少。更報讐雪耻。義比山高。旦分明是置鉛擊筑。魚腹藏刀。狙擊沙中巧。生太山輕一擲。等鴻毛。願結今生刎頸交。前合

外李郎。如今投那里去。生將投太原去。外我聞望氣者道。太原有奇氣。你可曉得此處有異人否。生我只聞有一人。乃州將子李世民。其他皆將帥材耳。張兄爲何垂問及此。

節節高外風塵暗四郊。奮英豪。斬蛇逐鹿誰能料。且是那太原呵。祥光繞紫氣。昭分星耀。個中定有連城寶。青雲有路怕人先到。合多管塵埃有真人。須教物色知分曉。

前腔生我聞得那李公子呵。侯門一俊髦。挺英標。龍韜豹畧曾探討。年方少。氣正豪。心猶小。招賢下士人爭道。芳名那更流傳早。前合

外李郎。何以使我見他一面。生我有一友劉

少年豪氣
益之。以小心
則天下何事
不可為

文靜。與他交厚。明日到太原。便可尋他引見。
外既如此。李即可在汾陽橋等我。

尾聲

且奇踪秘跡人難料。生草草相逢訂久要。

外明日汾陽會不遙。

客舍相逢意氣深。來朝重會定佳音。

但願到時還得見。須知勝似岳陽金。

打鼓弄琵琶相逢兩會家。君行楊柳岸我

看浪淘沙

第十三齣

期訪真人

雙勸酒

淨飄飄此身。燕齊秦晉。角巾布紳。資糧

無甚。龍爭虎鬪正紛紛。是誰能早定乾坤。

自家徐洪客的便是。雲水到西京。得遇張兄
與他周旋。情投意合。所謀之事。十就八九。不
想近日太原王氣太盛。此中倘有真主起手。
我那張兄豈不可憂。他與我相約到此尋訪。
我已先到。爲何還不見他來。

敬宜可喜

西地錦外風色彫殘綠鬢絲鞭翻惹緇塵汾陽
橋畔朝烟冷誰當圯下期人

呀道兄早已在此了。淨相候已久路上來可
曾得甚消息否。

風入松

外昨朝靈右暫棲身向酒家瞥見佳人

淨他是何處來的。外他是侯門侍女私投奔。
淨既如此你說他怎的。外能鑑別追隨豪俊。
淨婦人家尚識豪俊你難道到不識他。外其

慕淨處問答
甚精細

好漢識好漢
一句便是俠
士口談

時被我看他梳頭。要識他丈夫誰想到被他
看破。即時與我結爲兄妹。就令他丈夫與我
相見。對酒間與他盤桓數巡。傾蓋處便情親。
淨他丈夫姓甚名誰。何等樣人。外云他丈夫
是李靖。淨我亦聞得此人。不知果是如何。
前腔外雙眸炯炯貫星辰。更談兵說劍如神。淨
自古道好漢識好漢。你既見他如此。可曾問
起太原的消息麼。外他也道太原年少真英

俊已約定同來詢問。我和你正要認李公子。恰好他的故人劉文靜。在李公子處。只等他來。去尋劉文靜。一面就見李公子。却不是好待他來同尋故人。須一見好辯虛真。

前腔

生旦上

朝來霜色太侵人。早連鑣來到河濱。

呀。張兄早已到此了。**外**路上辛苦。**生**旦驅馳道路何須問。**生**此間師父是何人。**外**是我的至友。卽向日所言望氣者便是。**生**他形竒古非

借下寡婦人
家是此村家
用心處

同凡品。如今好同去尋劉兄。只是賤累在此。無處可依。**外**我已借下寡婦人家。我同李郎送一妹到他家暫住何如。**旦**既有下處。行李奴家自當照管。張兄師父自與我官人前去便了。**生**如此甚好。我如今同尋故人。待一見好辨虛真。

滿目悲生事

因人作遠遊

西征問消息

心折此淹留

只小窻知曉
四字已足曲
寫思婦之情

第十四齣 樂昌懷伴

霜天曉角貼扮樂昌上小窻知曉。幽夢縈懷抱。
天外音書難報。鏡中眉黛誰描。

點絳脣高柳蟬嘶。採菱歌斷秋風起。輕雲如
髻。雲外山橫翠。簾捲西樓。過雨涼生袂。天
如水。画闌十二。少個人同倚。奴家自陳亾後
沒入在此。喜得張美人為伴。清談閑耍。少遣
悶懷。不想他近日看上那李郎。悄自私奔去

語俱不俗

了。女伴中只我與他最厚。如何此去。竟不通
我知道。如今獨坐無聊。好悶人也呵。

綿搭絮暗憐花貌。孤枕度良宵。曉起尋歡。女伴
潛踪轉寂寥。憶花朝。拾翠相邀。何事戀着年少。
一旦輕拋。想是難按春心。不耐冰絃月下挑。

前腔釵行分散。獨坐更無聊。似我鳳去臺空。在
自傷心折大刀。想鸞交音問寥寥。只合藍橋水
斷。祇廟延燒。怎比得奔月姮娥。悵望天香雲外

飄。

我知道了。若還他此去。老爺差人追尋。自是
由他。若不追尋。便知老爺不是輕賢重色之
人。我的心事。就好對他實說了。正是

去住寧無意。

淹留強自親。

要知山下路。

且看過來人。

徐洪客何等
躊躇何等心
熟

第十五齣

棋決雌雄

高陽臺引

上生

遍地干戈極天烽火正羣雄競起

時節外事有關心終宵魂夢顛越淨無端滿眼

狐疑事漫勞人搔首難決合向他行雌雄一見

片時分別

減字木蘭花生連年奔走咸陽雲樹空回首


外滿目風波爭奈龍蛇未判何淨成吳霸越

笑談自有壺中訣合梁甫長吟應是觀濤難

稱心。談話中間。不覺又到李衙門首。想劉兄在此。不免尋問。則個作問科丑上應科。是誰。
生。我是劉先生故人李靖。特來尋訪。丑報科
卜算子。生。小棋局正闌時。門外停車轍。末聞道相尋。有故人。倒屣歡迎接。

作相見科生云。劉兄別來無恙。末李兄托庇粗安。此二位何人。生此道兄善相。故特與俱來尋兄。就謁見公子。淨適間公子與劉兄在

此何幹。末在此奕棋。淨豈不聞陶侃有言。諸君國器。何以此爲。末奕雖小技。其義頗大。故支公以爲手談。王生謂之坐隱。班固造奕旨之論。馬融有圍棋之賦。費禕笑談而退魏敵。謝安賭墅而破秦軍。先生不棄。就與公子少試國手如何。淨這也願請教。只怕公子見笑。
小生取棋過來。丑持碁上。閒庭一任三時去。
長日惟消一局棋。棋在此。淨小生作下棋科。



起伏處俱
峭雅

高陽臺生小黑白分行。從橫異道。須教四裔圍合。先着誰知。個中另有神訣。合機設。運奇點眼爭。國手看指尖。誰強誰怯。奮玄籌。乘虛競勢。細求約截。

關目省題

前腔末征着。彎掌南麾。馳情北壘。分明霧捲星列。雲起龍翻。須臾勢貌分別。淨作大叫科這局全輸了。起背唱科支髮茂弘。局上却更急。下場頭向誰分說。為東君熱心一片。化為冰雪。

心然有味

前腔外摧折。侵地無方。攻城計屈。遭回轉覺難發。功墮垂成。怎能勾衝擊唐突。生休說。應危尋變。無救路。古人有言。當斷不斷。還為所謀。恐狐疑。反為擒滅。莫勞神漫營邊鄙。再求角活。

局上已見輸贏。我每且告退。不日再來求見。
小生三君何所聞而來。何所見而去。淨聞所聞而來。見所見而去。

小眼前一局決雄雌。末世事紛紛似奕棋。

生
雪隱鷺鷥飛始見。
外
柳藏鸚鵡語方知。

第十六齣

俊傑知時

出隊子

淨

瞥然一見鳳表龍姿自出羣。雌雄勝負隱然分。十載經營枉用心。大抵功名是天定。勝人。

前腔

外

魂搖心灰一局殘棋了半生。空餘長劍氣凌雲。尺蠖神龍有屈伸。從此休誇謀事在人。

前腔

生

相逢如故魚水相投契自深。蒼天不負濟時身。我與張君同尋劉兄。想金卯弓長之夢。

垂首喪氣中
自有一種英
氣不可磨滅

應在今日了。夢裡分明有鬼神。有日從龍順
天應人。

〔外〕方纔別了李公子。不覺又到下處門首了。
不免喚一妹開門。

〔前腔〕

旦孤嫠相守寂寂。雲林閉遠村。〔生〕開門開

門。〔旦〕喚聲知是阮郎歸。欲問榮枯待入門。〔外〕

淨嘆科。〔旦〕觀着容顏便知淺深。

相見科。〔旦〕此去所見如何。

紅衫兒

生他不裘不履。自是非常品。滿座風生。

那更神清朗。果然是異人。〔旦〕既如此。你們何不
就連袂相從。和他草萊中締盟。待風雲同濟昌。
時不使青萍負愆。

〔前腔〕

外眼前顛倒渾難定。愁憤交并。忝熟勞薪。

水。分明爲那人。淨誰知做駕海成橋。枉勞工費

心。我如今向世外逃名。有甚爭謀競勇。

〔生〕呀。道兄差矣。豈不聞見物不取。失之千里。

既遇明主。何必遠去。淨我本道家。偶然到此。今所志不就。豈能學范增王猛。坐視無成。況瓊臺瑤島。尚未荒蕪。李郎勉就功業。我就此別去也。外既如此。李郎與一妹先回。一到京中。可往武陵坊曲。尋板門小宅。須教我渾家與一妹相見。萬勿見却。我送道兄一程。卽歸奉候。生旦我每就此拜別。作拜科
生君今東去我西征。
且客裡囊空乏餞行。

淨正是將軍不下馬。
外果然各自奔前程。

生旦下。外道兄。你如今別我往那里去。淨事到其間。不得不說了。我一向與你相從。指望共成大業。我自向海中尋個退步。誰想連你的事也不成了。如今只得把我的退步。讓與你做個進步罷。外道兄。你果是有心人。只不知你所說是何處。淨海中有國。名曰扶餘。其主昏亂。民心久離。我一向留意在此。故其

山川上俗。訪問頗悉。我別你後。先投那邊去。覓得個機會。倘或你來。好做內應。你若肯下氣。從那李公子。也自由你。外我與你相從幾年。你豈不識我。大丈夫寧爲雞口。毋爲牛後。你先到海上。我隨後便來也。乘機取便。到那里。再作理會。淨張兄。若如此。雖無大成。亦有小就。

醉太平

外追省勞形弊跡。嘆蠶絲燕壘。多少經

營似求仙煉藥。空教人指望丹成。難平。不如子晉學吹笙。九天遙已知捷徑。低頭自忖。一腔豪氣塞滿乾坤。

前腔

淨

閒評。人謀天命。看茫茫宇宙得失難憑。

尋谿問徑。那知道進退無成。須聽桃源還自有通津。向漁郎好生尋問。外作墮淚科。淨漫縈方寸。無端故作楚囚悲憤。

道兄請回罷。外作如此遠別。豈恐分手。必須

畢竟不能
割捨

再送一程。

淨十載心期一黯然。

外不如意事常八九。

各露英雄本乞。

那堪悽愴別江潭。

可與人言無二三。

